

Solelheta (4/7)

1)

L'endeman matin, lo Drac diguèt al Bernadonet :

« Uèi, te cal plantar una vinha, e vòli que, anuèch, i aja sus la taula una sietada de rasims d'aquela vinha. »

2)

Lo Bernadonet partiguèt ambe sos utisses. Mas, al primièr pic, los se brigalhèt totes : èran pas que d'utisses de coja !

3)

A miègjorn, la Solelheta diguèt a sa maire :

« Maire, vòli anar portar la sopa al Bernadonet.

O vòli pas.

Vos disi qu'i vòli anar.

E ben ! vai-z-i, tant i vòls anar. »

E la Solelheta partiguèt.

4)

« Adieu, Bernadonet.

Adieu, Solelheta.

As l'aire plan en pena. Qu'as ?

Al primièr pic, me soi brigalhats totes los utisses.

Iè ben ! te desòles pas per aquò. Manja, e veiràs que la vinha serà lèu plantada. »

5)

Quand lo Bernadonet agèt manjat, la Solelheta diguèt :

« Per la vertut de ma bagueta, que la vinha siá plantada, que i aja de rasims, e que anuèch, n'i aja una sietada sus la taula ! »

Sul còp, la vinha foguèt plantada, borronèt, s'enramèt, se cobriguèt de rasims, e lo ser, lo Bernadonet portèt una sietada de rasims sus la taula.

6)

Quand lo Drac arribèt e que vegèt aqueles rasims, diguèt :

« A ! Solelheta, Solelheta, as pel segur obrat aici.

Nani, mon paire. »

Sopèron; après, lo Drac diguèt al Bernadonet :

« Vai-te'n al lièch. Deman matin, te levaràs quand te cridarai. »

7)

E, un còp lo Bernadonet partit, diguèt a la Solelheta :

« Cal que tot aquò finisca, e çò qu'as fach, o pagaràs. Deman matin, te levaràs quand te cridarai. »

8)

E, un còp la Solelheta partida, diguèt a sa femna :

« Femna, deman matin, montaràs un pairòl d'òli per far còire lo Bernadonet. »

Questions (4/7)

1. Complèta la formula magica de Solelheta

rasims bagueta anuèch vinha taula

Per la vertut de ma , que la siá plantada, que i

aja de , e que n'i aja una sietada sus la

..... !

2. Enròda la bona responsa

Cal que Bernadonet plante una vinha òc non

Bernadonet pòrta la sopa a Solelheta òc non

Lo Drac tròba de rasims sus la taula òc non

3. De qué vòl dire que los utisses son brigalhats ? Soslinha la bona responsa.

Polits solids copats

4. Perqué lo Drac demanda a sa femna de montar lo pairòl d'òli ?

.....
.....
.....

Questions (4/7)

1. Complèta la formula magica de Solelheta

rasims bagueta anuèch vinha taula

Per la vertut de ma , que la siá plantada, que i

aja de , e que n'i aja una sietada sus la

..... !

2. Enròda la bona responsa

Cal que Bernadonet plante una vinha òc non

Bernadonet pòrta la sopa a Solelheta òc non

Lo Drac tròba de rasims sus la taula òc non

3. De qué vòl dire que los utisses son brigalhats ? Soslinha la bona responsa.

Polits solids copats

4. Perqué lo Drac demanda a sa femna de montar lo pairòl d'òli ?

.....
.....
.....